



Broj: 03-11-1316/21
Vogošća, 04.10.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 04.10.2021. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE PREVOZA
ŠKOLSKE DJECE NA RELACIJI OŠ "PORODICE EF.RAMIĆ" SEMIZOVAC – NASELJE
GORA, ZA PERIOD 2021-2023. GODINA (ŠKOLSKE GODINE 2021/2022 I 2022/2023)**

Član 1.

Ponuda ponuđača "Vildan tours" d.o.o. Sarajevo, ulica Donji Hotonj broj 18. Vogošća, odabrana je za pružanja usluge prevoza školske djece na relaciji JU OŠ "Porodice ef. Ramić" Semizovac-naselje Gora, za period 2021-2023. godina (školske godine 2021/2022. i 2022/2023.), kao jedina formalno-pravno ispravna ponuda, sa ponuđenom ukupnom cijenom nabavke u iznosu od 71.964,00 KM bez uračunatog PDV-a, odnosno 84.197,88 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 06.09.2021. godine donio Odluku o pokretanju Otvorenog postupka nabavke usluge prevoza školske djece na relaciji JU OŠ "Porodice ef. Ramić" Semizovac-naselje Gora, za period 2021-2023. godina (školske godine 2021/2022. i 2022/2023.), zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 08.09.2021. godine pod brojem: 1353-1-2-160-3-117/21.

Sažetak Obavještenja o nabavci objavljen je u "Službenom glasniku BiH" broj: 56/21 od 10.09.2021. godine.

Tendersku dokumentaciju sa Portala javnih nabavki BiH je preuzelo 6 (šest) ponuđača. Krajnji rok za dostavu ponuda bio je 27.09.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.09.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-11-1316/21 iz septembra 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Vildan tours" d.o.o. Sarajevo	71.964,00	/	/	84.197,88
2	"Centrotrans" d.d. Sarajevo	72.000,00	/	/	84.240,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Centrotrans" d.d. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod c) TD je zahtjevano da ponuđač mora posjedovati/imati na raspolaganju prevozna sredstva za realizaciju nevedenih usluga i to: minimalno 1 (jedno) motorno vozilo od 20 (19+1) sjedišta, usklađenih sa zakonskim propisima i standardima za organizovani prevoz djece.

Ponuđač "Centrotrans" d.d. Sarajevo je u svojoj Ponudi (strana 163. i 167. Ponude) kao dokaz za traženo dostavio Potvrdu o vlasništvu vozila i Potvrdu o registraciji vozila.

Komisija za javne nabavke iz dostavljenih Potvrda je između ostalog utvrdila da se radi o vozilu koje ima 19 sjedećih mjesta i 5 mjesta za stajanje.

Također, iz dostavljenog Rješenja o ispunjavanju propisanih tehničko-eksploatacionih uslova za vozilo (strana 171. Ponude) vidljivo je da se radi o vozilu sa 19 sjedećih mjesta, te stoga Komisija za javne nabavke smatra da predmetno vozilo ne odgovara postavljenim zahtjevima tačke 7.4.1. pod c) TD.
- Tačkom 7.4.1. pod e) TD je traženo da ponuđač/pružalac usluga mora da posjeduje važeću licencu "A" ili "B" za prevoz putnika u linijskom ili vanlinijskom saobraćaju, izdatu od strane nadležnog Ministarstva.

Ponuđač "Centrotrans" d.d. Sarajevo je (strana 173. Ponude) dostavio ovjerenu kopiju Rješenje o dodjeli licence „A“ broj 04-23—1008 O/M od 03.03.3021. godine koje glasi na „Centrotrans Eurolines“ D.D. Sarajevo, kao i ovjerenu kopiju Rješenja broj: 04-23-1008-3 O/M od 15.07.2021. godine kojim se mijenja naziv prijevoznika (strana 175. i 177. Ponude).

Uvažavajući dostavljeno, Komisija za javne nabavke smatra da dostavljena ovjerena kopija Rješenja broj 04-23-1008-3 O/M od 15.07.2021. godine kojim se mijenja naziv prijevoznika (strana 175. i 177. Ponude) ponuđača "Centrotrans" d.d. Sarajevo nije ovjerena od strane nadležnog organa na ispravan način.

Komisija za javne nabavke smatra problematičnim činjenicu da se kopija dokumenta sastoji od 2 (dvije) stranice, dok Općina Stari Grad ovjeravajući predmetnu kopiju dokumenta nije stavila pečat između prve i druge stranice dokumenta (strana 176-177. Ponude), niti je upisala broj ovjerenih stanica u pečatu ovjere, a što je direktno utjecalo na formalno-pravnu ispravnost dostavljenog dokumenta.

Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-729-8/17 od 24.08.2017. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Vildan tours" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Vildan tours" d.o.o. Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Vildan tours" d.o.o. Sarajevo, za pružanje usluge prevoza školske djece na relaciji JU OŠ "Porodice ef. Ramić" Semizovac-naselje Gora, za period 2021-2023. godina (školske godine 2021/2022. i 2022/2023.), kao jedine formalno-pravno ispravne ponude, sa ponuđenom ukupnom cijenom nabavke u iznosu od 71.964,00 KM bez uračunatog PDV-a, odnosno 84.197,88 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Vildan tours" d.o.o. Sarajevo
2. "Centrotrans" d.d. Sarajevo
3. Nadležnoj Službi
4. U dosije
5. a/a

vildantours@gmail.com

033/464-040



OPĆINSKI NAČELNIK

Edin Smajić